

州府志卷之十七

名宦下

明

自元以前官制不一人亦較少故從姜志按年合自明以來官制一定大小宜分今先列統轄大吏之

有功德斯地者次駐守兵備及分司次州官次各屬

王竑字公度陝西河州人景泰二年以僉都御史總督漕運兼巡撫江北四年夏淮徐大水道殪相望竑不待報開倉賑之山東河南饑民咸來就食廩不能給惟徐州廣運倉有餘積竑欲發以賑典守中官不可竑至徐告曰民旦夕且為盜若不吾從脫有變先斬若然後自請死耳中官憚竑威名不

徐州府志

卷十七

名宦

一

得已從之竑乃自劾專擅罪因言廣運所儲僅支三月請令死罪以下得入粟贖帝從其議復命侍郎鄒幹齎帑金馳赴聽竑便宜竑乃躬自巡行散賑不足則令沿淮上下商舟量大小出米全活百八十五萬人勸富民出米二十五萬石給饑民五十七萬七千家賦牛種七萬四千餘家復業者五千五百家他境流移安輯者萬六百餘家病者給藥死者具槥鬻子女則贖而歸之還籍者予道里費人忘其饑頌聲大作輯其事為救荒錄以傳

朱衡字士南江西萬安人嘉靖四年河決沛縣飛

橋運道淤塞詔以衡爲工部尚書總理河漕衡視河道見舊渠已成平陸定議開新河起南陽至畱城一百四十二里疏舊渠起畱城至峴山五十三里建閘三十餘爲月河六壩十有二築堤四十里運道大通徐人建祠夏鎮祀之

翁大立餘姚人隆慶二年以右副都御史總督河道朱衡旣開新河大立因請濬回回墓以達鴻溝引昭陽之水溉湖下腴田千頃又請鑿邵家嶺令水田地浜溝出境山入漕河帝皆從之三年七月河大決沛縣漕艘阻不進帝從大立請大行賑貸又

徐州府志

卷十七

名宦

二

請漕艘後至者貯粟徐州倉平價出糶詔許以三萬石賚民大立以下民昏墊閭閻愁困狀帝莫能周知乃繪圖十二以獻且言可慮者五時論躓之

以上統  
轄大臣

汪舜民婺源人正德初以山東副使按徐廉介剛正威惠並著屬吏無敢侵漁部下者值歲饑多方拯救仍請巡撫發粟以賑全活萬餘人

余祐字子積江西鄱陽人正德中爲徐州兵備副使中官王敬進鮮多挾商船與知州樊準指揮王良詬良發其違禁物敬懼詣祐求解祐不聽敬誣奏

準等毆已遂并逮祜謫南寧府同知

明史

李珣字廷重開州人正德末任兵備副使 敏決案

無稽牘山東賊王堂掠及豐 健卒非之旗

熾以李兵爲號賊大敗遁去山東河南官兵渤

者皆假其旗號賊望見輒走其威望如此

何鰲字子魚廣東順德人嘉靖九年爲徐州兵備副

使州有驛館夫役久爲民病鰲議罷其役歲省民

財以萬計

楊宜衡水人嘉靖中爲徐州兵備副使汰冗役八百

餘人諸不便於民者皆除之時鄉試屆期集諸生

徐州府志

卷十七

名宦

三

於書院聘名士第其文藝又併商稅修浮橋辨疑  
獄居五月遷河南叅政去

徐節山西臨汾人嘉靖中爲徐州兵備副使故事驛

馬辦自富室分給各驛守者旣不經心芻牧役使

又復不均斃則仍責富室補償最爲民病節酌定

上中下之直聽各驛自買尤嚴差役之序民多稱

便罷石山驛開新河皆節主其議

劉經緯江西進賢人隆慶二年爲兵備副使才識精

敏狷介絕俗威惠並行每泣學與諸生講論皆根

極理要徐人士佩服之以艱去行李蕭然屬吏以

贖緩助之固辭不受

馮敏功浙江平湖人隆慶三年爲兵備副使時黃河大決民多不相保敏功力請賑之諸賦役不便於民者一切停罷督理河務往來洪波中未嘗憚勞尋遷山東叅政士民建祠祀之

舒應龍廣西全州人萬歷初爲徐州兵備副使潔已愛人作興土類黃河決溢屢侵州城應龍與知州劉順之度地量財周城築堤以捍衛復延名人纂修州志士民爲建祠

陳文燧江西臨川人萬歷十七年爲徐州兵備副使

徐州府志

卷十七

名宦

四

爲政持大體月朔望必詣學與諸生講論庚寅辛卯連年大水城市以舟文燧相地城南鑿支河以洩城中積水至今賴之

袁應泰字大來鳳翔人萬歷末爲淮徐兵備叅議山東大饑設粥廠哺流民繕城濬濠修先聖廟饑者盡得食更搜額外稅及漕折馬價數萬金先後發賑戶部劾其擅移官廩時已遷副使遂移疾歸

明史

徐標山東濟寧人崇禎六年爲徐州兵備叅政整飭屬僚訓課諸生河決常山數十里力塞之流賊至率將吏晝夜城守賊西走遣將追至馬家林俘馘

而還以憂去

何騰蛟浙江山陰縣人崇禎十五年爲淮徐兵備  
事時徐境土寇蜂起張方造王道善分掠豐沛程  
繼孔踞蕭之饒山四出焚劫騰蛟至卽率兵渡河  
攻剿以次皆平以繼孔本蕭民與他盜異單騎  
其巢諭降之明年冬擢巡撫湖廣

以上兵備道

郭昇字騰霄潁州人天順間以工部主事督徐州洪  
洪舊與呂梁同稱最險歲壞舟常百數昇相要害  
募人盡鑿去其石水勢遂平擢郎中仍泣洪事後  
民於洪上立祠祀之

見一統志

徐州府志

卷十七

名宦

五

吳嶽字汝喬汶上人嘉靖中以戶部主事督徐倉清  
操絕俗於利秋毫無染待人坦易時進諸生講學  
嘗建躡雲亭於學宮之北以增勝槩旣去人皆思  
之

何源江西廣昌人嘉靖中以工部主事任呂梁洪分  
司端凝介直遇事剖析無滯御下未嘗少假辭色  
洪民有武斷者繩以法無貸風裁凜然

朱光宇河南祥符人隆慶中以戶部主事督徐倉才  
識精明搜剔積弊殆盡雅尚儉約崇儒重道先是  
學圯於水形家嘗以永福倉地爲善光宇慨然

易爲學因建祠學內與翁大立馮敏功章世禎  
順之並祀

余毅中銅陵人萬歷四年以主事分司呂梁洪毅中  
少有清望在官興利革弊商民德之性嗜學讀書  
每至達旦竟以勤致疾卒於官副使莫與齊爲祠  
鳳冠山以祀焉

姜士昌丹陽人萬歷十年以戶部主事管徐州倉時  
方弱冠洞燭利弊老吏不及恤軍惠商不聽外訟  
胥吏畏若神明羨餘萬金悉以貯州帑尤 恭  
士加意學校及去士民爲立碑

梅守相字台甫宣城人萬歷中授工部主事分司夏  
鎮自劉東星開浚韓家莊至李化龍鑿泇河功成  
皆守相爲之佐理其有功漕河不亞於二公

王命禹浙江蕭山人萬歷三十九年以工部郎中分  
司呂梁洪御下嚴而內寬厚立社課諸生文藝四  
方至者甚多河決狼矢溝命禹露處河干晝夜督  
役逮功竟未嘗輕答一人以憂去士民懷之

宋統殷山東卽墨人萬歷四十四年爲戶部分司主  
事政崇大體商民懷惠接士子以禮尋遷淮安知

府

張璇高邑人天啟四年爲戶部分司主事才識明練  
商民多被澤時黃河暴漲璇於六月二日促裝移  
戲馬臺之聚奎堂是夜河決城陷獨璇典守無失  
人皆服其先見因築垣修宇遂爲署焉鑿義井修  
放鶴亭衆爲立碑建祠

聶雲翹直隸曲周人天啟七年以工部郎中分司呂  
梁洪甚得士民心解任歸舟次新安湖中有羣盜  
駕小船數十向之左右皆驚賊衆曰爾無畏我衆  
來爲百姓叩謝使君耳乃各叩首以去以上分司

文景宗合肥人洪武初自婺源州同知來知徐州事

徐州府志

卷十七

名宦

七

廉介有守時天下初定民多流離景宗招徠賑貸  
勸督農桑民以安集歷任入創建州治壇廟學校  
民不勞而事集遷濟南知府去

劉秩字伯叙豐城人吳元年由內翰典籤檢閱經史  
官出爲徐州同知文章政事皆見稱當時與知州  
文景宗協力修政尋詔入議大禮遷崇明知州民  
爲立生祠

馬良崑山人洪武初以薦舉授徐州衛知事明習法  
令糾繩軍政上下咸服嘗與指揮蔡祥協建衛治  
後陞德慶府同知其孫紀遂占籍於徐

楊節仲湖廣樊城人洪武末以薦舉知徐州爲政一以厚風俗爲務州大疫遣醫四出療治躬自督視貧者則捐俸給之喜獎拔土類在任六年政化大洽陞大理知府去

楊秘山西遼州人宣德四年知徐州多惠政得民心州中公署廟學悉爲改置秩滿當代屬邑乞畱詔增秩復任先後凡十八年民迄今頌之不衰

宋驥餘姚人宣德中爲徐州學正勤於教誨士多成就

宋誠字彥實湖廣蘄州人景泰中由劍州知州改知

徐州府志

卷十七

名宦

八

徐州時方饑疫與巡撫王竑協力共濟多方賑救往吏多怠玩廢事誠繩督弗少假借凡公署廟學次第葺治政暇修纂州志政務具舉吏民畏服遷叙州知府去

王叙字大倫臨汾人天順中知徐州廉潔自持泣政嚴明廢墜多所修舉遷慶遠知府去

陳廷璉字宗器湖廣攸縣人成化中以進士知徐州才識通敏爲政敦勸風俗弘獎士類遷南京刑部員外郎去

和鸞字廷瑞山西平定人成化中知徐州性鯁介廉

儉自持遇事不肯遷就監司初不悅久之轉加敬  
信軍衛事赴訴者皆獲平反在任八年深得民心  
遷襄陽守去

樊準南昌人正德中知徐州廉介彊立不畏權勢政  
務節省先是中貴督廣運倉儲左右恣肆莫敢誰  
何準至一以法繩之無敢犯者會進鮮中使橫索  
驛遞供應不貲準廉得其所挾私物裁抑之尋被  
誣逮繫老幼號泣隨送者幾萬人抵京事白得調  
任歷官山東按察僉事

張淮字本豫義勇前衛人正德中知徐州時駕南幸

徐州府志

卷十七

名宦

九

百姓惶懼咸思竄匿淮與判官董相慰安之經畫  
供億秋毫不以擾民時服其才

王重賢交河人先爲御史以言事落職嘉靖中再遷  
知徐州初州以里胥分直供應豪猾緣以掊剋重  
賢至革之改用贖金以亭老司其出入民間始無  
擾累有州佐恃結納上官贖貨賢因考察入京白  
吏部罷之遷東昌府同知

頃情江西德興人嘉靖中爲徐州判官潔已愛民未  
嘗苟取嘗以秋冬久旱徒跣爲民祈雪雪隨大降  
人以爲精誠所感

周易廣東番禺人嘉靖中由舉人爲州學正有志操  
矩矱端嚴好善疾惡教人行誼爲先講論亶亶不  
懈常捐俸以濟士之貧乏

劉順之廣西馬平人隆慶六年知徐州廉介精明善  
剖煩劇徐頻年被水爲築張村站堤塞房村決口  
創築護城堤遍歷郊野問民疾苦請賑恤之力行  
條鞭法裁定賦役學宮新遷日爲臨視以底於成  
歲旱禱雨輒應火延燒城樓望拜卽滅居四年百  
度具飭遷瓊州府同知百姓爭乞畱不得後上官  
疏畱爲淮安同知徐人懷其德常往謁之

徐州府志

卷十七

名宦

十

孫養魁直隸容城人萬歷四年知徐州以寬大得民  
心在任凡十年

陳璽福建福清人萬歷五年爲州學正性嚴正人不  
敢干以私上官皆敬禮之當時推學官之賢者必  
曰陳先生擢翰林孔目卒於官

唐民敏廣西全州人由舉人萬歷十四年知徐州州  
錢糧頻年爲奸胥上下其手以致甲乙不均敏清  
審釐正宿弊盡除百姓大悅以不河上官左遷去  
士民懷之

袁堯臣江陰人萬歷十七年以舉人任州學正性簡

淡博學能文兼工翰墨與諸生處五載未嘗以疾  
言倨色相加擢知魯山縣

徐鄰浙江上虞人萬歷二十年知徐州愛民禮士性  
至勤未旦即起視事一郡稱治遷保定府同知

夏崇謙湖廣京山人萬 三十三年知徐州坦易明  
敏判斷如流無所撓枉尤注意學校在任四年考  
最加秩以病去士民攀送百里外爲棠風亭於雲  
龍山設石主祀之

傅惟翼四川富順人由舉人萬歷四十五年以邳州  
知州遷徐州爲政簡要凡可因者因之不可者務

徐州府志

卷十七

名宦

十一

與衆參酌而後去在任四載賦平役省時有四野  
不識胥吏一州不知有官之謠循良爲一時之冠  
張淳湖廣孝感人天啟三年由舉人署州學正嗜學  
不倦立教本詣躬行諸生爭自濯磨居三載以艱  
去士人懷之

吳嘉言湖廣漢陽人崇禎二年爲淮安河務同知駐  
徐州以廉潔稱

朱夢弼浙江秀水人崇禎十三年爲州學正博學工  
翰墨持身清正上官敬禮之使署徐屬河防事未  
越月即治又署戶部事皆有清節惠政

以上  
徐州

汪致道字成德徽州黟縣人洪武初知蕭縣兵燹後致道盡心招撫民得復業治爲諸縣最

齊福東湖廣石首人洪武中爲蕭縣丞廉潔不苟臨事公平吏民畏服以最遷知嘉定

鄭恕浙江仙居人建文時知蕭縣燕將王聰破蕭恕以不屈死籍其家二女當配亦死之

郝玘山西吉州人初由國子生爲典史以廉能遷邯鄲令調知碭山所至政教修明民懷其惠以憂去永樂初服闋謁選京師蕭父老乞爲蕭令從之治績視碭益著子孫因占籍於蕭

歐陽安廬陵人永樂初以商水教諭徵修大典上章忤旨謫蕭縣訓導日進諸生論文講道由是蕭人始知向學宣德中卒官年九十六諸生追思倡明文學之功請祀名宦子孫遂家於蕭

閉悌廣西橫州人成化中左遷蕭縣丞蕭民宜之奉請爲令尋遷韶州府同知

馮裕臨朐人正德三年由進士知蕭縣歲饑發廩以賑仍日煮豆粥三百釜食之又撫流移墾荒田補助不給邑人依若慈母

王隆鄆城人嘉靖中知蕭縣山東羣盜標掠郡縣人

情洵懼隆爲營緝城守民賴以安又改建文廟作  
新人才遷安慶府通判去士民思之

劉夢熊山西沁州人萬歷三十五年知蕭縣事會大  
水築兩河口堤開常家樓黃河數十里一月報竣  
民不疲勞

耿介元城人嘉靖三十七年由歲貢爲蕭訓導性純  
朴淡泊自甘課士先行誼而後文藝常捐俸以周  
士之貧者蕭人稱之

梁樞江西宜春人萬歷九年知蕭縣革代補洪閘等  
役銀六千餘兩前人所不肯行者蕭人德之

徐州府志

卷十七

名宦

十三

姚應龍浙江慈谿人萬歷三年以舉人爲蕭縣教諭  
性和平課諸生雅有法文章才望卓冠畿省北都  
聘校鄉試修州志多出其手

王衮山東陽穀人萬歷十一年知蕭縣聽斷精明數  
年強豪屏迹百廢皆興上官薦章凡七上以憂去  
康煒山東武定州人萬歷十六年以舉人知蕭縣息  
訟省刑修學建署葺城垣纂邑乘採辦壽工花石  
具有功績

臺存道山東諸城人萬歷二十年知蕭縣歲大饑請  
給民半種截畱漕米二千餘石以賑全活萬餘

除里甲應官浮費立亭老辦事里長止催鞭糧人  
皆稱便

張鏡心字湛虛磁州人由進士天啟四年知蕭縣訊  
鞠必盡其情里長苦丁糧繁費過多鏡心自爲解  
兌不以累民革除舖戶供應縣境有故河久堙疏  
通之得田千頃盡以予民調繁去蕭民爲立生祠  
高應魁山陰監生崇禎十四年授蕭主簿忼爽多智  
畧時土寇蜂起輒芟人麥禾爲糧魁隨宜捍之竟  
不敢犯國變棄官去

賈之騷山西平陽府人崇禎十五年爲碭營守備駐

徐州府志

卷十七

名宦

十四

趙家圈時盜賊充斥之騷年少善騎射每出剿臨  
陣先登從劉將軍破賊碭山戰最力及征蕭東南  
山賊以山徑盤屈失道後軍不能從猝與賊遇遂  
單騎突入其陣賊衆披靡所乘馬忽蹶之騷步戰  
手刃數人賊圍益衆力戰死事聞贈奮勇將軍

以上

蕭縣

顏伯瑋名瓌以字行江西廬陵人建文元年以賢良  
徵授沛縣知縣靖難兵起李景隆屯德州沛人終  
歲輓運伯瑋善籌畫得不困會設沛豐軍民指揮  
使乃集民兵五千人築七堡爲備禦尋調三千益

山東所存二千皆疲弱不任戰燕兵攻沛伯瑋  
縣丞胡先百夫長邵彥莊間行至徐州告急援不  
至遂命其弟瑀子有爲還家侍父題詩公署壁上  
誓必死燕兵夜入東門指揮王顯迎降伯瑋具衣  
冠南嚮拜畢自經死有爲不忍去復還見父屍自  
刎福王時贈伯瑋太僕少卿謚忠惠有爲翰林待  
詔謚孝節

唐子清沛主簿也不知何許人在沛有善政民愛之  
顏伯瑋守沛專調兵食邏察事皆付子清燕師入  
被執燕將欲釋子清子清曰願隨顏公地下遂死

徐州府志

卷十七

名宦

十五

之福王時贈工部員外郎謚義節

黃謙字損之武進人以儒士爲沛縣典史果敢善戰  
能戢下燕兵薄沛謙與顏伯瑋唐子清集民兵築  
堡備禦燕兵不克去謙尋統死士往東昌援鐵鉉  
及燕兵入沛遣謙往徐州招降謙不從亦死福王  
時贈工部員外郎謚果義

以上顏伯瑋子有爲唐子清黃謙四人俱本明

史兼叅舊州志

馬時中太原人成化中由舉人知沛縣持守廉介爲  
政簡易以忤權宦謫慶遠衛經歷

姚祥字應龍歸善人宏治中由進士知沛縣自奉清

約愛民如子天旱虔禱郊外大澍如 民有負官租數年者久拘於官祥與之期而遣歸果如期至常詣學進諸生課之甫八月擢御史去

胡守約字希會合州人由舉人知沛縣中官史宣進貢經沛陵轎官 橫索無厭守約與宣訐奏被誣繫獄比鞠對持論侃侃無屈撓竟罷歸後復起用官至湖廣按察司僉事

李文憲字從周北直人嘉靖二年由國子生授沛縣丞明年三月二十八日夜忽有賊百餘人入城劫掠憲率民兵往捕挺身當先矢盡遇害

徐州府志

卷十七

名宦

十六

王治字純甫永年人由國子生知沛縣沛故無城治爲創築又撤龍泉寺徙建學宮

李禎新昌人由舉人知沛縣縣田多蕪禎給牛開墾盡成新畬發奸摘伏如神明政暇集諸士論文不倦尋擢御史

滕霽字子開建安人由舉人署沛學教諭歲饑沛適缺令未以災報霽爲請上官發倉賑之全活無算遷嘉善知縣沛民請於吏部遂知沛縣 強抑暴禮士愛民以不善事上官投劾去

魯思問字汝祥和州人爲沛縣訓導敦名行崇教條

俊計口食俸貧逾於諸生時給

敬事之

遜菴直隸永寧人萬歷癸卯沛大水公

蕩覆汝讓時知虹縣以才能調沛居城堙

事悉心撫卹諸廢圯漸次修舉尋遷知鄜州邑人

乞畱詔改授邳州知州仍畱管縣事初汝讓補

護城堤修學宮遷縣治未竣至是益專力營治修

築太皇漬堤縷水缺堤纂輯縣志百務具舉

沛以

郝玘永樂元年由邯鄲知縣調碭山勸課農桑振

學校廉慎明敏政教大行秩滿士民乞畱還任

徐州府志

卷十七

名宦

十七

以憂去服闋謁選京師蕭人請爲令政績復

劉伯吉宣德間知碭山縣以親喪去服除碭

闕下求再任吏部言新令在碭山已二年矣帝曰

新者勝舊則民不復思今久而猶思其賢於新者

可知矣遂易之

杜釗衡水人正統中知碭山縣興學愛民秩滿民懇

畱增秩還任

張夢輔澄城人成化中由舉人知碭山縣剛果有

盜賊屏跡遷知隸州去

葉楚華松陽人成化初由舉人爲碭山教諭

博諸生頌之

田裡祥符人由進士知碭山縣廉介不

擢御史

胡希賢乾州人弘治中由進士知碭山縣

百廢具舉擢御史

李金字宣之豐城人正德中知碭山縣時盜賊

築重城捍衛後洪水至賴以保障遷兵部郎中

李木會稽人嘉靖中知碭山縣歲饑賑卹多方

甚衆又築堤衛城以免水患百姓德之

劉陽字一舒江西安福人嘉靖中知碭山縣碭多

徐州府志

卷十七

名宦

十八

陽捕其魁傑格殺之奸民震懼不敢動表孝子

祭節婦墓邑苦河患乃齋沐七日率父老子弟

禱願以身代河忽自疏者二十七里待僚佐如

弟視身如寒士居四年擢御史士民遮道哭別

創仁政祠去思碑

士紹元江西金谿人嘉靖中知碭山縣築堤三十

捍決河招逋民給種復業立均地三限等

飛蝗蔽日禱於天得大雨蝗盡死擢

祀之

人由舉人爲碭山令多方撫字集

建書院課諸生置義田以資貧寒者賢聲流聞當路薦牘七上萬歷二年入覲上簡循良吏得二十五人廷卿與焉賜遣同時麥穗有四歧五歧六歧者明年擢南京戶部主事

宋坤瀋陽人崇禎中知碭縣時流賊方盛坤修城隍建樓櫓置礮其中日練兵守禦賊至開門出戰追至河南界駱家集而還後賊大至又以計退之尋調去民感其全城之德爲立生祠以上碭山

曾本江西雩都人洪武五年知豐縣性廉潔政尚寬平吏民懷服

徐州府志

卷十七

名宦

十九

曹仲箴江西湖口人洪武三十年知豐縣持身清廉治民平恕

闕膺字允登江西奉新人宣德元年知豐縣明達諳練政教兼舉公署學校悉加繕葺九年乞致政遂家於豐

陳善江西弋陽人由進士知豐縣事剛明果斷潔已字民僅半載遷安吉知州去民惜之祀名宦  
裴爵山西澤州人正德十四年知豐縣持法平恕闢荒土惠行旅築堤以捍河皆有勞績祀名宦

山東博興人嘉靖初知豐縣會黃水陷城民流

離失所祿率衆徙於華山斬茨以居專務簡約民  
賴以全

張叔宣四川內江人由舉人知豐縣持身貞白臨事  
警敏民便之擢松江判去

李崇信湖廣潛江人由舉人知豐縣時舊城潰沒民  
依華山以居崇信相度形便經畫城池興建廟學  
公署處置得宜民皆悅服

徐莫長山人由舉人嘉靖二十九年知豐縣時縣復  
還舊治凡城池廟學官署倉獄皆所創建

胡又心仁和人嘉靖三十九年知豐縣遷建儒學增

徐州府志

卷十七

名宦

二十

築城堤修祠廟多所勅置

任惟賢湖廣黃陂人由舉人知豐縣築新堤崇節孝  
抑奸貪雪幽滯緩征薄斂與民休暇後去老幼攀  
轅號泣立碑志之

吳文光江西高安人萬歷元年由舉人知豐縣裁冗  
役修縷堤開荒田貧民有逋賦者請以其地變值  
遂捐俸易爲學田作新士類修葺學宮聲績甚著  
宋士中字然石奉新人知豐縣天啟二年山東妖賊  
徐鴻儒破鄒滕陷夏鎮鄰邑震恐士中浚城隍  
鄉勇晝夜守禦賊至三戰皆勝凡數月始安

劉光字劍池貴州人崇禎中由舉人知豐縣土寇餘黨爲民害率鄉勇勦平之十五年大兵攻豐光力禦之城潰死焉

以上豐縣

馬拯洪武三年知邳州朔州治建廟學

陳葵慈谿人洪武中知邳州興學校勸農桑有遺愛百姓思之

舒文秀荊門州人建文時知邳州興學勸農士民懷之

郭珏河南新安人成化間知邳州廉勤愛民大興學校

徐州府志

卷十七

名宦

二十一

周廣榮江西吉水人成化十六年知邳州文章政事俱優

毛深山東聊城人成化十九年知邳州以愛民禮士聞

曹鄉四川銅梁人成化間以御史謫邳州判官興利除害治績甚著

李惟聰河南杞縣人宏治二年知邳州爲政平易讞獄詳慎

雷爵陝西朝邑人宏治十二年知邳州政善民安有古循良吏風

王景隆隆慶州人宏治中爲邳州同知賦性剛明處  
事敏決

周尚化太和人正德四年知邳州流賊犯境築土城  
建三樓爲三面守禦州人賴以保全立祠祀之

高巖四川瀘州人正德十二年知邳州不避權勢臨  
民莊而禮士優

陳柏廬陵人嘉靖十四年知邳州廉能最著下邳驛  
前民家失火大風熾甚柏禱於天火旋息

傅惟翼富順人萬歷四十三年知邳州以賢能調徐

州以上邳州

徐州府志

卷十七

名宦

二十一

方鐸湖廣石首人洪武中爲宿遷丞廉平得民心公  
廨學校壇廟倉庫皆其所建置

梁孟嶽江西貴谿人永樂七年知宿遷縣歷二考賦  
均訟平貧民婚姻死葬皆有賙恤

甯直山東滕縣人宣德初知宿遷縣持身端謹處事  
公平政教兼舉吏民悅服

史珍江西德化人天順四年知宿遷縣持已嚴御衆  
寬作興士類歷三考民稱頌之

林瑄成化中爲宿遷教諭課士有法一時人才多  
造就

張瓏山東福山人弘治中知宿遷縣百廢俱興

王雄順天人正德九年知宿遷縣刑清政簡

龔森餘姚人正德中爲宿遷丞有德政碑

莫抑廣西馬平人嘉靖三十二年知宿遷縣威惠

著治爲淮北竄以才調長洲

崔元吉山東歷城人嘉靖末知宿遷縣裁減夫馬不

避權要

喻文偉江西南昌人萬歷二年知宿遷縣縣治爲河  
所齧文偉改建馬鞍山下築城堤勑官舍諸役並  
興而民不怨擢御史去民建祠祀之

徐州府志

卷十七

名宦

二十二

何東鳳江西東鄉人萬歷二十二年知宿遷縣縣遷  
二十年而城工猶未竣東鳳力完之築長堤六十  
里以捍水政績最著

董則喻光州人萬歷末知宿遷縣招流移修學校有  
惠政

周鴻圖卽墨人天啟初知宿遷縣有才畧數舉 異  
陞大理同知

古道行揚州人崇禎九年漕撫史可法奏爲護漕  
將駐宿遷袁時中來寇道行統兵千餘與戰於  
爽廟賊衆五千圍之數重道行奮勇衝突自

暮擊殺數百人力盡援絕死之

戴國柱浙江人崇禎中爲山東副總兵漕撫史可

奏調協鎮宿遷與古道行合兵拒賊同戰死

以上宿遷

何皞湖廣公安人成化六年知睢寧縣有異政蝗不

入境甘雨時降瑞麥迭生邑人立碑記其事

邢清山東濟陽人宏治六年知睢寧縣居官清廉嘗

儲粟萬餘斛以活民

邱紳 金聲紳龍泉人聲大嵩衛人正德中俱爲睢

寧主簿流賊至二人與義士朱用之迎戰死事聞

皆贈官賜祭予蔭立祠又興史袁浩亦同戰死

徐州府志

卷十七

名宦

二十四

陳嘉畧貴州安莊衛人嘉靖二十三年知睢寧縣在

任六年撫恤流移愛民節用初睢僅有土城嘉畧

始甃以甃以親老去百姓遮道送之

申其學山東日照人萬歷十年知睢寧縣時黃河屢

決城郭廬舍盡圯人民流散其學勸建城廨築堤

八百五十餘丈置官莊給民牛種墾地萬一千四

百餘頃流亡漸歸修學校造橋梁嚴保甲政化大

行政暇纂輯邑志睢寧有志自此始

高岐鳳涼州人崇禎十年知睢寧縣縣爲流賊蹂

居民存者僅數十家岐鳳撫綏安集修葺城垣

兵守禦賊袁時中率衆數萬駐縣東南找溝

與總兵劉良佐擊走之蕭寇程肖宇犯徐州誠

羽黨毋入睢寧境岐鳳仍領兵搗其巢超遷監軍

副使

以上  
睢寧

本朝

陳嘉印山東東平人順治二年以戶部郎中管徐倉

修葺衙宇創建倉廩招來商賈撫綏軍民請裁額

外之征商民爲建德政碑

王維屏字帶汾山右人順治四年以戶部郎中管徐

倉爲政清簡商民不擾

徐州府志

卷十七

名宦

二十五

張雲翼河南洛陽人起家進士順治九年任徐倉戶

部郎中嗜文學公餘日以著述爲事惠商恤民汰

冗役商民懷之

顧大申字見山華亭人順治中授工部主事分司夏

鎮河道鎮民繁而城壞不可守大申節省公費重

築之人服其廉幹立書院以教學子以吏人素強

悍治尚嚴峻姦人懼赴京羅告遣官會總河訊問

皆虛告者伏罪陞郎中

江雁卿江西新城人康熙八年知徐州約已率民不

事刑扑州舊有版荒地四千七百餘頃丁糧未除

久爲民困爲力請上官奏免之卒於官囊無  
州人爲具棺殮

孫枝蕃陝西三元人康熙十二年知徐州時黃河汎  
溢居人恐懼乃出私財募人夫取石築堤護城亘  
數里城賴以全徐民夙苦協濟夫役一徵發輒數  
百千人蕃力請上官免之滇閩變作官軍多道於  
徐蕃竭力營供億公帑不足繼以私財又繼以假  
貸卒不一擾民間遂坐 負憂勞卒官

佟國弼奉天人康熙三十九年授徐州知州歲饑力  
請蠲賑嘗發常平倉麥二千餘石假貸饑民明年

又饑民不能盡償弼代爲償之黃河北自李道華  
口至蘇家山舊無堤數遭水患乃出私錢築子堰  
數十里歲得有秋徐俗貧人生子多不舉國弼捐  
貲立育嬰堂募乳媪哺養全活頗衆卒於官貧無  
以殮人皆爲痛哭

孫詔武威人雍正二年知徐州治匪類禁淫祀以  
風俗爲己任州城自康熙七年地震頽圯垂五  
年詔始修築完固去後人思之不忘

以上  
徐州

祖永勳字元若遼東寧遠人順治五年知蕭縣縣  
寇亂後數十里無人烟永勳巡視城野招集流

斬荆除棘於是來歸曰衆村落中始聞有雞犬聲  
既數年興學校定賦役考山川圖籍修輯邑乘  
務具舉蕭人戴之如父母

趙忠仔字示卿浙江東陽人順治十七年知蕭縣泣  
事嚴明人不敢欺丁糧弊端釐剔至盡善折獄摘  
伏如神公餘引見諸生衡文講藝政務傍午不廢  
吟咏而事亦集以望誤去蕭人恨焉

邵瑗字南玉大興人康熙十八年知蕭縣蕭連歲皆  
饑頻請蠲賑全活甚衆軍興供億悉出私橐不以  
累民十九年春邑西盜發瑗聞卽率衆往捕其魁

徐州府志

卷十七

名宦

二十七

餘黨遂遁以內艱歸

徐基字中有嘉定人爲蕭縣訓導教諸生分齋課藝  
不拘故常間以微言啟發令聞者神會諸生以比

明歐陽安耿介姚應龍

以上蕭縣

李允禎字貞甫德州人順治二年知豐縣時經制未  
定徵求多亟允禎應以暇豫而有條理民得不擾  
碭山令缺頑民煽亂檄兼攝碭事時首惡已就  
擒鎮將欲窮治餘黨其無辜具文陳請願  
以身家保之事得徠流亡者多復業

明年代替至 姓 泣

閻昭太原人順治三年知豐縣每周諮邑中利病與興除禁革兌糧解頭收糧大戶民尤便之時東逋寇未殄昭出貲增修土城嚴守禦不以擾民豐民爲建生祠且輸祀田若干畝昭固却之因用爲義學以其田贍養生徒

孫毓璘字文伯奉天人爲豐縣令以弭盜除奸爲務立義館清賦法築縷堤置義塚多惠政去後士民爲建祠立碑

盧世德字紹先奉天人康熙三十九年知豐縣先是夏鎮閘夫取之各縣屬豐縣者皆鎮人代役要素

無厭世德令計工予直自是不敢多求前官李振匿災稱豐地如鋤背水不能爲患後雖以水告上官多不聽民皆怨忿世德力爲申明遇水災捐貲施粥不俟符下輒開倉平糶復請撥他縣倉以助全活者三萬餘人民甚德之以憂去邑人追送境上至擁馬不得行

以上  
豐縣

趙世禎字興公開原人順治七年知沛縣沛無志失載豐志云世禎以順治壬辰兼攝豐事政尚簡易舊例有收糧大戶每一僉報輒數十家繹騷不世禎悉裁之民皆稱慶時地畝失額差賦淆亂

意清丈端緒甫引尋以替去邑人惜

郭維新宛平人順治十一年知沛縣邑無志其績不傳豐志云維新以沛令署豐性聰敏長於吏治發奸摘伏朗如鑒照未幾陞去

楊績正黃旗人康熙三十九年知沛縣有吏才善剖斷時縣連年大水績力請蠲賑全活甚衆自四十年至四十六年

聖祖南巡閱河前後四經沛境役夫數千弘績捐貲曰給口糧民皆樂從在任八年修邑志建義學善政甚多坐催科不力罷總督阿山復題授丹陽知縣臨

徐州府志

卷十七

名宦

二十九

行民涕泣以送

沈瑞鶴葉縣人康熙五十三年知沛縣乙未丙申再遇水災瑞鶴竭力撫綏居二載以憂去人皆歎惜施需宛平入雍正九年知沛縣初雍正五年河決護城堤民奔避無所八年水又至民益恐需至卽集邑中士庶議築凡兩月而成至今賴其保障以上沛縣蘇崐大興人康熙十二年爲邳宿河務同知遷平樂知府奏畱仍理河工十餘年總河靳輔疏列才第一未及擢用而卒

高承爵遼陽人康熙二十二年爲邳睢靈壁

知鑿象山背以除險 勤築堤防監賑饑民  
冒之弊復煑粥以濟老弱民懷其惠

孫居湜大興人康熙二十六年知邳州明年以鳳  
後期註誤

聖祖仁皇帝南巡士民迎 駕 畱詔還任未幾復以

案被劾州人列狀請畱督撫奏復其官前後請蠲

逋賦營建新城勞績甚著擢河南知府

以上邳州

焦文華趙州人順治九年知宿遷縣廉幹有威吏不  
敢欺征賦用自封投櫃法不任差役刻木爲隸令  
自限時曰繁費盡省民爭輸無敢後期者

徐州府志

卷十七

名宦

三十

周祚 臨潼人順治十一年知宿遷縣招流移墾荒  
瘠徵賦本令民自封投櫃盡除耗羨米麥二稅收  
用制斛革除行戶供應之擾胥吏非奉憲檄不濫  
差遣

鄭應兆浦江人順治十七年知宿遷縣性仁厚不喜  
苛察時多積逋廷議命州縣歲 奏銷列紳士  
數於冊檄下他邑奉行恐後應兆獨一無所及或  
諷之曰公寧不自爲計乎曰吾寧忍以數百人身  
命博一官耶竟以此得罪去

胡宗鼎永城人康熙三年知宿遷縣才識精敏

署縣當極衝養馬久爲民害順治十六年奉

官養 增站銀七千三百餘兩部吏索賂持之  
不下宗鼎極力幹旋始得如議又議增岢崐腰站  
銀三千餘兩官吏甦困而民亦免外幫之費

尚登岸京山人康熙十七年知宿遷縣邑不產稻遠  
糴秋糧久爲民累登岸力請改徵粟米總河靳輔  
署漕事竟奏如其請至今賴之

以上宿  
遷縣

殷岳雞澤人順治二年知睢寧縣時軍需傍午岳辦  
理不繁聽斷嚴明豪強斂跡學宮爲河水淤沒鳩  
工重建朔望集諸生課文第其甲乙政教兼舉

徐州府志

卷十七

名宦

三十一

石之玫陝西甘肅人康熙三年知睢寧縣請免額外  
陞科地四千一百三十餘頃以除民累又請捐錢  
本七千七百餘兩邳州五工頭青墩營險工橫派  
睢寧夫料之玫力爭而止

謝乃實山東福山人康熙三十四年知睢寧縣初謁  
文廟觀殿廡傾圮卽集紳士議修催科設十戶滾  
單以省雜費興學勸農次第舉行僅踰年丁父憂  
去

如 桂人康熙五十三年知睢寧縣睢寧城傾  
二十年前官以請帑不允不敢復言如晏力圖

修建勸率士民節省浮費逾年城工告竣民不知  
役又修葺廟學繕治公廨重纂縣志百廢具舉政  
教大行

王相呂泰州舉人授睢寧教諭順治十年膠寇陷城  
抗義不屈遂被害奉

旨贈國子監博士

李之實延慶州歲貢爲睢寧訓導膠寇陷城與教諭  
玉相呂俱以不屈被害奉

旨贈國子監學錄

李嶸瑞盱眙拔貢授睢寧縣教諭縣學頽廢已久嶸

徐州府志

卷十七

名宦

三十一

瑞至卽出橐金千兩合紳士所助鳩工重建又勸  
義學置義田構敦闇堂朔望課士其中士習爲之

一變  
以上睢寧縣

州府志卷之十七全